


中國方志叢書·華中地方·第三八號

據清·陳作霖纂
清·光緒三十年刊本
影印

江蘇省

金陵通傳



5566/19
成文出版社有限公司印行



10096467

中華民國五十九年八月壹一版

金陵通傳

全三冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

金陵通傳卷三十五目錄

第一百五十一冊

陳經子汝梅 孫之驥
姚天麟
曹庚子含暉 孫森
森士蛟 士鶴
吳岐鳳子繼昌 從子元
昌鼎昌 吉昌

夏昂
子塏
塏子家鎬
塏子家銑
江文熙
宗人鑒
甘國棟
兄國柏
子福
延年
鶴年
福子煦
遐年

元煥	熙遐	炳子	炳子	國相	孫灼	張廷珏	馮蔭祉	田腴	從子咸豐	雙等	咸豐子寶	孫寶
-------------------	-------------------	-------------------	-------------------	-------------------	-------------------	--------------------	--------------------	-------------------	---------------------	-------------------	---------------------	-------------------

寶瑚孫曾

第一百五十三冊

姜國綬 子本禮 孫士冠
官孫由軒等
徐必純 孫延昌
鑑子石麟
延昌子貽謀
石麟子鼐
必純子鑑
朱

本福從兄本謙弟本智唐廷紳弟廷夔子潮潮子肇元
子鷺等方等唐廷紳宗人肇熊等肇元子嘉德

第一百五十四冊

孟子韶從弟志詩
樊明徵王道復
葛廷偉
談粹張琚
阮思文等
汪兆虹張坦
趙庭柯禹士
銘

庭柯子
夏蓊許開泰
宗仁族人朝柱
朝坐
朝濃
吳際泰子楫
宗人文治
廷珍
振等

1

This image shows a blank ledger page with 12 vertical columns. A thick vertical line on the left side creates a wide margin. On the right edge, there is a small, dark, rectangular mark.

--	--	--	--	--	--	--	--	--	--	--	--

金陵通傳卷三十五

江甯陳作霖伯雨纂述

陳曹吳夏甘張田傳第一百五十二

陳經字震宇江甯人乾隆二十九年舉人性沈默寡言笑爲文簡潔渾古最精奕晚年以耗神思亦戒之子汝筠字學彬諸生汝梅字蘊舟乾隆五十九年舉人嘉慶四年進士官山東平原知縣汝梅子之驥字叔良道光五年舉人六年進士選庶吉士改直隸長垣知縣累遷至山西雁平道轉湖南按察使從公勤職不以家累自隨延契友姚天麟課其子於金陵未幾之驥卒官粵寇陷江甯天麟百計脫其孥適當事有以重幣聘天麟者天麟義不往衛送至杭州乃已人以是服之驥之能取友也天麟字瑞庭上元人道光十五年舉人博洽工文曹庚字西有號鳬川上元人乾隆二十五年舉人篤學耆古工吟咏著有且想齋稿子含暉字玉蘊號幽雲幼時父寢疾卽知籲天祈禱比喪哀泣如成人既補諸生有文名含暉子孫道光五年副貢當海氛起孫恐母驚祕不以告而心

實憂之未幾卒森弟森字寶書嘉慶二十三年舉人道光二年進士除山西榆次知縣遷忻州知州升大同知府所至有惠政以母老乞養歸逾年母卒服闋未及赴補咸豐三年春粵寇東下森以紳士督辦團防晝夜登陴巡警分守之地近朱莊恪公祠森預與家人約脫事變可會於此吾死所也二月十日儀鳳門地道火發勢將不支森率練勇至併力奮擊賊始退方繕完城缺爲固守計而賊已梯登西南門城遂陷森急入朱祠投池水淺不得死遂與妻李對縊桑樹下森弟士鶴妻管懷珠同長女也士鶴時官陝西管未及從亦入朱祠自縊不殊憤以石擊腦首碎而死自署其衣衿曰陝西清澗縣知縣曹士鶴之妻管氏爲國捐軀於此又預爲書遺士鶴曰賊氛日熾危在旦夕妾以死自誓斷不爲小醜屈伏念得侍箕帚十餘年未有絲毫補益於夫子只此爲國捐軀差堪仰慰耳惟願夫子努力功名勿復以妾爲念聞者悲之森孫裕昆諸生將死恐人救之乃閉戶取巨石連擊腹歐血盡碧踰時死事聞 贈森太僕卿森弟士蛟字叔龍道光十二年舉人除蕭縣教諭爲人磊落有斷制文亦踔厲雄偉著

有盧餘草士蛟弟士鶴字季皋道光十五年舉人二十年進士以知縣分陝西
有吏才歷清澗城固富平調渭南地多悍回士鶴捕其渠楊不花斬之巡撫瑛
榮上其功以直隸州用會粵寇自蜀犯秦渭南戒嚴有勸士鶴下鄉團練者士
鶴曰此名團練實欲苟活也吾若偷生他日何以見吾兄及吾妻於地下終日
巡城及城陷士鶴衣冠懷印坐堂皇罵賊死

吳岐鳳江甯人幼秉至性父某生九子岐鳳其七也與二弟皆側室出爲諸兄
所鄙諸兄見父晚多子競求析產六人各得其一岐鳳以下共得其一父不堪
其擾曲從之旣岐鳳受室其生母亦卒父獨處一嫗給事岐鳳妻陶賢達知大
義嫗一夕謂陶曰翁每夜必啜泣或終夜不寐不測何也陶語岐鳳則大駭屬
嫗曰今夕寢門勿扃吾將竊入嫗如所戒父泣方作岐鳳掩入明燭在案簿籍
沓陳但聞父曰阿七奈何岐鳳突至跪膝前請罪父驚問何來且怒嫗岐鳳曰
是兒屬也堅叩所以則父以岐鳳最孝而所析獨少恐日久難給故憐之岐鳳
亦泣曰曩以父爲憂兒不肖甚懼若僅爲此何足煩父慮且使父並無是兒又

當何如寒士赤手起家不必多贏餘也父欣然曰兒見及此吳氏其興矣後岐鳳以歲貢爲無爲州學正其諸兄擁厚資驕逸不數年蕩然岐鳳常周給之子繼昌字述之嘉慶二十四年舉於鄉明年成進士以編修歷至紹興知府清勤儉慎民情愛戴卒後民肖象建祠以祀之從子元昌字復初儀徵訓導岐豐子也清癯多病善屬文諸弟鼎昌吉昌潤昌皆其所傳授道光十四年舉於鄉年四十餘卽卒鼎昌字仲銘一字新之道光十七年舉人二十一年進士以編修爲陝西糧道升廣西按察使就擢布政使咸豐初桂林戒嚴城中糧乏商運阻不前鼎昌召屬吏樸質能事者文武各一人付巨款厲色諭之曰米在某處須迎護卽至付汝曹札刻日報解予優保汝誤卽按軍法各捧檄去三日米大集軍民俱謹曰此吳公賜也賊旣退召爲太常卿轉順天府尹以憂歸旋卒吉昌字謫人道光十五年舉人十八年進士以編修改中書出爲洺河同知調運河加知府銜乞歸時江甯新復總督曾國藩延主勸農局尋卒潤昌字雨香弱族補諸生詩文最秀偉早卒元昌子邦瀾字揖蓮工詩詞善駢文以目盲抑鬱而

終著有夢碧山房稿

夏昂字愚泉江甯人少習吏事從事安徽布政司署會歲饑辦振胥山藩庫發帑同事者無不藉飽私橐昂止之不聽慨然曰攘災民之食以肥己是尙可爲乎因挈二子塏塏返里俾讀書應試焉塏字子儀性和厚詩文極敏兼工繪事道光十一年舉於鄉以教習選福建建陽知縣縣城被水沖圯垂六十年無過問者塏捐俸倡修一時感動捐者躍然未三年畢工城中舊有考亭精舍朱氏家祠也內設義塾久廢塏爲重立並置祭田焉尋坐虧空罷官值江南淪陷寓居杭州流連詩酒常縱遊西湖間以爲樂年六十八卒著有信天閣集塏字子俊號去疾幼敏慧讀書過目成誦善屬文并工詩詞舉止淡雅外和內介人不取干以私與上元夏樹江甯程亮祖同充道光五年拔貢十五年復舉鄉試久客京師聞英夷擾江甯念母頗切以憂卒著有篆枚堂集夏樹字兩人號蒔園蘊藉沖和詩文如宿構兼通醫理程亮祖字寅工讀書有遠識亮祖妹夫江文熙字緝菴亦江甯人稍晚出詩文書法冠絕當時與塏樹居相近往來最密始

由桐城來爲族父後充道光十七年拔貢二十年舉於鄉桐城戚友所贈不下千金悉以予同生弟嘗在某署爲書記主人已遷官去於故紙堆中得金華肘千隻券慨然曰窶人子得此富矣然取之敗我名乃焚之及其沒也林端挽以聯云窮措大兩次功名福耶禍耶三千里路四往四還博得甕冷囊空縷縷殘陽歸倦鳥劣殘生諸般坎坷貧也病也十五口人一簞一粥累到墨乾筆禿絲絲餘力盡春蠶讀者悲之塏子家鎬字伯音道光二十九年舉人咸豐三年進士除戶部主事會海疆事起京師設總理各國事務衙門大學士文祥領之家鎬入爲司員事當創辦苦心經營雖叢謗議不顧尋進郎中歷內閣侍讀學士洊至太常卿遷通政副使同治十一年典試廣東得人最盛光緒五年署左副都御史授宗人府丞充庚辰科會試知貢舉旋進刑部右侍郎以目疾乞歸宦橐蕭然書數十簞而已居鄉每屏輿從徒行與諸老友遊若未嘗仕者年七十卒著有蚊睫小巢詩草塏子家銑字季質工詩文善談論爲諸生日有名咸豐三年金陵城陷爲賊挾充書記與歐陽泰科馬則劉石洪福作詩罵賊賊搜得

之時張繼庚內應事洩賊疑家銑知之拷掠備至無所承賊誘之曰汝必有父母妻子以爲保則釋汝家銑已昏憊不知人遽以母陳與妻蔡對遂擁家銑至其家指索之蔡急揮姑匿室中挺身出唾家銑曰汝昏矣汝母死已十年汝豈不知而以爲猶在耶家銑亦悟曰我實無母我實無母賊詰蔡曰汝何人蔡曰吾家銑之妻也死卽一處死耳賊駢戮之其姑幸無恙而歐陽泰科馬則劉則劉妻李石洪福皆死家銑族兄鑾字鳴之少倜儻有志節負經濟才詩畫尤精絕咸豐初以諸生從軍廣西多戰功洵保至同知三年侍郎曾國藩治鄉兵檄鑾赴湘創造水師礮船凡器械之屬及湘軍營制多鑾參定而以時訓練之旣成軍捷湘潭克岳州陳陵磯之役戰船膠淺鑾赴援血戰手刃數十賊以死其後戡定巨憊水師實爲首功而鑾倡其先聲勳未成而遽殞世尤惜之事聞贈運同銜迨粵寇平 賜祭一壇繪象紫光閣焉

甘國棟字遜士江甯人晉于湖敬侯卓裔也九世祖永昌字世隆明弘治中官濱州州判有惠政五世祖應樓字鳳泉有隱德萬厯中自小丹陽甘村遷居城

中父邦欽字維則家貧耿介取與不苟人呼甘夫子兄國相字柱臣爲市錢者平其直俗所謂經紀也北門橋金氏鋪有客寄細錢數百緡同業者謀首諸官國相意此事發金必破產且非其所儲何忍嫁禍遂佯諾而密告之令乘夜移去明日偕往徧索無所得眾大沮金感而厚酬之笑曰予若愛錢不汝告矣固辭不受人咸推爲長者國棟篤厚尙義有貸金無償者焚其券且予之資戚某惑奸媒言以女字匪人國棟大憤爲斥媒反聘擇配士族備匿嫁之國棟子福字德基號夢六事親能養志父年甫六十卽屏謝家事杖履優游以自適父卒福泣謂諸弟遐年延年鶴年曰人子事親不越生養死葬吾恨未能顯揚今若葬不得所罪益大矣遂精究地學徧歷山川不避寒暑竭力營葬於墓側建享堂置祭田以供祀事母患肝疾百計求醫沒後茹素三年不入內寢治家嚴而有法室無私財諸弟亦事兄如父事必請而後行顏堂曰友恭誌實也嘗捐千金建大宗祠於敬侯墓側並於祠東建節孝祠以祀族之孝子節婦又設義塾以課族子弟之貧者族人多業農嘉慶十九年大饑出米麥四百斛賑之復捐

六白金襄辦義振自是凡遇水旱無不慨慷施予又於是歲倡捐五百金爲下關生生堂拯溺費創望江樓設男女堂造救生船更推行於烈山三山管龍潭各險而歸諸城內長樂渡總局以綜其成已而龍潭局費絀再捐五百金濟之賴以不墜餘如卹養育嬰諸善舉皆踴躍欣助道光十二年以濬秦淮事竣議敘得按察司經歷銜生平耆學慕古蓄書極富至今談收藏者猶溯甘氏津逮樓焉卒年六十七著有保彝齋日記鍾秀錄越四年以孝義旌遐年字鶴籌國子生母龔抱疾瀕危刲臂和藥以愈之嘉慶中修府志里中將載其事同辭而止未幾卒道光六年以孝行旌與兄福皆祀孝弟祠延年字靜齋內行肫篤喜施予嘗仿伍光瑜歲暮貧養錢之舉推廣逾二百人節飲之其子女婚嫁有費已故賻葬有費行之二十餘年不衰又好修治橋梁凡厲揭所經有圯壞者輒傾橐無少吝周家山磯黃天蕩漩流最惡處也延年斷巨石爲柱鎔鐵絙百丈風水卒變纜舟以濟築高橋門荷花塘石堤縱橫廣厚名之曰堅固埂咸豐三年避地官山冢祠家無長物而所識自賊中出者猶館之僦村廟農家皆

滿日脫家人環瑱易米以食不足又貸益之晚號願賢老人年八十一卒於宜興著有字說織說教學淺說鶴年字鑑亭性慈惠嘗修安德門大道拾遺金弗改封待其人還之寘放生池於神木菴築長圩以捍水患和州俗多溺女倡捐創留嬰會全活無算著有鑑亭詩鈔福子煦字耆壬少師事胡鎬通易春秋學既補諸生治詩古文辭道光元年舉副榜攝寶應訓導勘湖西水災加意慰恤酷嗜金石得宋磚三十六繪圖徵題俄選太平教諭搜訪節孝貞烈三千餘人乞旌保升知縣送部引見生平戇直嫉俗淡於榮利歸自京師遽萌退志葺宅西老屋數椽雜蒔花竹額曰蟄龕然汲汲里中善舉嘗增置救生船廣益善堂屢倡種牛痘局於諸葛祠道光季年水災疊辦城廂振務改煮粥費散給錢米咸豐元年督清河道建議通後湖疏青溪運瀆支流及北新河以達江引謹侃侃勞怨無所避晚年避地淮安年七十一卒著有貞冬詩錄水法宗旨納音訂正陽宅錄要煦弟熙字實菴號二如道光十七年舉於鄉明年成進士以知縣籤分廣西家居預海防事議敘得改郎中由禮部儀制司遷戶部廣東

司時粵西用兵度支告匱熙請罷不急之務以充餉需條舉京東水利屯墾事宜以固本計京察記名繁缺知府尋隨定郡王載銓赴東西陵周覽形勢奉命相吉地熙謹眎得成子谿府君山具圖說以進會改卜昌西陵工

成記名道員咸豐二年再奉命覆勘魏家峪平安峪差旋以微疾卒於邸

舍熙博識強記勤事纂述好搜輯鄉邦文獻著有忠義孝弟祠傳贊白下瑣言靈谷寺志所爲文詳贍典雅切中事理而於一方利病尤所究心禁青龍諸山開采濬秦淮支河通後湖水利皆有論著又撰渾蓋通詮日下筆記金石題詠彙編壽石軒詩文集藏於家退年子斡字俊卿諸生體羸善病好周恤窮乏每陰遣所親遺之而受者莫名所自嘗手輯不費錢功德錄以自省斡弟炳字竹生少孤母劉疾封股和藥以進兄斡早卒撫從子塏如已出性明決通常世之務以貲爲同知需次浙江初試杭州通判講求水利檄辦寶浙局上官詢以整頓之漸答曰不減銅不惜工又問積弊焉除曰去其太甚不爲已甚以勞擇知府攝定海同知值洋艘逼境民情惶駭炳鎮靜處之卒以無事有某氏兄弟爭

產累年其決刑一日坐堂皇集訊觀者如堵忽呼役局署門禽唆訟者偵獲存
賞隱匿有司立逮至一鞠而服兄弟皆感泣頌神明焉受代日紳民以未徵秋
漕行橐蕭然措千緡爲製裘服誓不受同治初江甯收復乞假回籍與里人請
復救生恤癘諸義舉會建府學於冶山有司延董其役事畢旋浙署嚴州知府
請除纓纓之累不再擾民光緒元年調紹興首濬三江閘以捍水患修戢山講
堂增月課膏火創清節堂舍爲謀永遠經費以籌解邊餉保道員加三品銜年
六十二卒著有古泉文考親民一得堪輿淺述小津逮樓詩稿延年子元煥字
劍侯性靜穆工詩文同治六年優貢光緒二年舉人中年隱於病以著作自娛
最喜購書籍金石碑版欲復津逮樓之舊自奉儉約而樂施予河南奇荒出千
金以振貸平居極孝事生母先意承志不忍遠離既選蕭縣訓導未上遭母憂
廬墓以居暫歸亦不入寢室卒年五十有九著有復廬詩文集蔣壁山人掌錄
桑伯文鈔金陵氏族譜圻子塏字子純以諸生援例爲太常寺博士性和而介
言論侃侃遇事不輕然諾家本素封亂後資財蕩盡乃次第經理之玄不趨時

食不兼味以樸實爲子弟先明而動晦而休歲有常規日無尤費治家法度秩如也卒年五十有八著有晚樂道人詩草國相孫灼字賁如諸生束躬謹飭著有靜心齋稿

張廷珪字牖奇號西堂上元人諸生性坦易家赤貧疏水常不給泊如也不惑佛老之說

嘗製攻乎異端文盧文弨以爲韓昌黎原道之亞

與馮蔭祉友善著有紹銘堂集蔭祉字雨

園江甯諸生耄而好學布政使康基田延主雉鳴書院講席嘗欲輯國朝文獻爲一組而未成年八十 賜國子學正未幾卒廷珪子德麟字侶蘇諸生德鳳字子韶一字梧岡少有才子之目博覽羣籍尤工書法生平潔修自好共祖十餘人同爨課徒所入悉以資用不問出納也嘉慶十三年舉於鄉二十五年成進士選庶吉士散館改歸本珪主講鍾吾書院歷十五年始選廣東仁化知縣蒞任甫四月而卒德鳳子兆登字子雲諸生有雋才從子兆鍾字子山同治九年舉人工詩游滇後格益蒼老人謂得江山之助云

田鼎字育民號西畝上元人爲人孝友重義輕財工行楷八分以諸生入資爲